

天鎮縣志卷之八

知縣張坊補輯

詩

唐

龍泉寺

李質

香刹夜忘歸
松清古殿扉
燈明方丈室
珠擊比丘衣
白日傳心靜
青蓮喻法微
天花落不盡
處處鳥銜飛

元

興和道中

張養浩

底事勞勞形與神
道途鞍馬動經旬
煙橫絕澗疑無地
風響深林似有人
早發舉鞭揮霧露
夜行翹首認星辰
何時却逐桑榆晚
愛殺坡仙此語真

明

題顯化禪寺古跡

萬鵬遠人

山陰

玉泉之南山水佳
乾坤鍾秀天之涯
昔人營此居
袈裟樓臺突兀凌
煙霞年深歲久頽
塵沙緣輕力薄空
咨嗟中官偶獵山之凹
奇峯在目誠堪誇
岩前噴玉紛如葩
披襟覓迹途忘賒
開林闢地芟杈枒
新為剏建尤增加
丹青照耀

騰谿呀枝撐塔級穿龍蛇瞿曇仍坐金蓮華天人環拱相
低亞功成慶讚人如麻窮秋九月飛天花萬年洪業皇王
家三邊寧靜無諠譁幾時潔耳聽三車洒然猶勝高乘槎
贈千戶丁汝器修真武廟落成詩

四十餘年習武當功成白日上穹蒼混元傳教開群品妙
相分符鎮朔方天上固應存玉質人間猶得見清光賢侯
勝事如今此名與元門共久長

詠顯化禪寺

古寺荒涼不記年中官修整復依然覺皇示現舒光日天

天鑑集
卷之八
散瓊花滿大川

和丁汝器詠顯化禪寺句

姑蘇

味易生

巍巍名教已多年
莊飾金容像儼然
聖目光開重九日
先施瑞雪遍山川

贈副將羅公歌

大同府
山陰人
王家屏

惟此邊砦兮孤懸之衝
延袤保障兮仗吾羅公
匪茹兮醜肆黠兮縱橫
我軍鏖戰兮如虎如熊
待戮遊魂兮廼敢攫其銳鋒
一戰兮授首再戰兮遁跡
三戰兮馬蹠之血蹄紅殍兮繫組
醜敗兮如隕葉之戰
秋風言歸兮歌凱戰

戈兮韞弓張露布兮奏捷怡龍顏兮九重意吾皇之授爵
兮酌其功俾簪纓之世繼兮山河與同

國朝

過火燒嶺

李煥斗

策馬崇岡行步難杏花枝上鳥緡蠻自從身作延陵長幾
度衝寒過此山

館課春夏秋冬詩四首春限千字夏限瓜字秋限韻
字冬限摩字每首又俱限以

八音字冠首中二聯又
俱限暗用渙樵耕讀意

薛鼎臣 邑人

春

天鑑集元
金勒銀鞦酒百千石橋誰醉綠楊烟絲收漫訪逃秦地竹
代疑聞扣客舩匏葉川原思橘種土羹文字酌貪泉革音
昨日喧春社水屐藜筇識隱僊

夏

金塘西畔是誰家石岸傍偎雪藕花絲引磻溪牽綠藻竹
留柯韻剪青霞匏笙勞穡醕幽酒土物徵書羨邵瓜革釀
焦革善釀酒每逢長夏日木蘭舟顫玉釵斜

秋

金飈桂剪襲翻辭石瀨霜清正授衣絲韻鼓商鍾子聽竹

寒棲月鄭人歸匏瓜兔冊知甘苦土壁麟經別是非革面
莫談皇古事木樨花下掩荆扉

冬

金爐香裊縱長歌石火吹來不厭多絲釣寒江消寂寞竹
挑殘雪許抄摩匏尊息蜡狂成樂土案操觚凍欲呵革故
鼎新將改歲木奴供飲醉顏酡

遊盤山

薛煥源 邑人

十年不到此山巔今日扶筇破綠煙石洞上攀紅日近蓮
峯低鎖白雲懸晚霞返照千山色仙跡雙留萬古傳我問

天鑑集元
卷之八
蒼松經幾代道人笑應不知年

周統文 邑人

昔有採樵者真仙遇此山黃冠披野服對局閱塵寰恍疑
赤松子逍遙竟日閒至今白石上清影望中還

石洞

不鎖閒雲竟日開風簾細細引泉來水通門底添僧懶洞
古年深費客猜

岩泉

龍津淅瀝送珠來石罅分明玉斧開不見桃花隨水去更

誰人得到天台

古松

曾說仙人手自栽
影橫百代愧群材
春花漫自飛紅雨
秋草空憐謝綠埃

岑樓

霄漢虛分十二樓
空濛樹色雨中收
煙霞不度危橋靜
坐見飛虹百道流

筆峯山

周凌霄

邑人

石磴參差不易攀
兩峯煙鎖白雲閒
試從絕頂憑虛望
千

里山河指顧間

天城八景 天潮文曲

高翀 邑人

共說天潮水清流屈曲來貼地文星拱他年毓異才

石蓮擁秀

此地芙蓉少層崖十丈懸假令茂叔見別作愛蓮篇

雲斷高岡

閻 崑 邑人

山自支旁轉雲從頂上裁雨餘一眺望宛若畫圖開

峭壁晚霞

松蓋亭亭立流泉滴滴來丹霞幻萬狀不羨有蓬萊

甘泉靈應

張濂友
邑人

二郎山水靈應渺難窮此日都人士群歌沛澤功

孤峯聳翠

一帶平岡伏於斯獨巋然靜觀青翠裡別有碧霄天

堅冰傲暑

羅銘
邑人

別有陰陽理難窺造化元任他炎勢逼冷質自蕭然

筆峯沖漢

一點文星起遙遙在巽方月高天路近山色曉蒼蒼

盤松行
有序

陳際熙

丙午夏始遊於盤山得松而憇焉疑以為秦漢物作詩
記之

我昔曾登廬山遊翠竹古柏甲中州更有佛印松磊落森
森蒼翠凌山湫年來北走居庸道苦乏登臨舒懷抱六月
炎蒸不可當同人招我羅酒漿東入盤山三五里樹交影
亂沁衣裳須臾山上潮聲起白日倒注明河水知是長松
作怒號空天雷電生尺咫溜皮苔蘚不計齡倚天拔地何
青青秦歟漢歟幾時種仙人佛子效其靈我醉且眠松下
石倒看虬龍露筋擘晚翠凝來秦岱巔橫合圍抱直千尺

雲中榆柳難為容
那數遲遲澗畔松
中州若取作梁棟
定與廬山伯仲同

和盤松行有序

楊淮

先生攜遊盤山倚松而卧見於荒涼古塞中獨有亭立
遂成此詩然來自南滇聞見異辭感慨係之矣

玉泉之東山巖嵒山巔石色立積鐵鋤山何人引玉泉種
得高松攀日月雲中西阻鴈門關氣候迴與中原別涼秋
九月風怒號千山一夕落大雪此時萬物盡蕭森孤松不
降朔風烈屈鐵交迴青銅柯凌虐霜威鳴晚節我家昆水

之西灣慣買松風消炎熱匹馬北向出居庸春寒三月邊
土裂行于南望斷烟花黃雲千里心激切六月薰風霽岫
開山光悅鳥鳴鷄鳴萊山夫子姑射仙攜筇遲我青山山
興酣卧對松風吟潮來如聽隴水咽憑高西眺白登山鴻
雁飛與浮雲沒秦皇漢武酷戰爭戰士沙場盡流血長城
纍纍萬仞高誰知其下撐白骨我欲鵬彼晨風飛那得羽
融憑空擎無已逆流濟桑乾沙岸何人理舟楫高松為我
化作龍騎出須臾飲馬窟

詠盤山松

有序

邵沅昇

盤山之下有松焉聳秀而多奇具遺世獨立之概余憩
息其下徘徊不忍去旣羨其孤高復傷其無侶因作長
歌以紀之

入山岩壑疑徑窮曲折紆迴見幽宮中有蒼松高千尺凌
雲直上摩穹窿蟠柯聳幹響天籟漏月篩星走晴虹左旋
龍文鐵皮澁土花剝落如攢蟲下引甘泉漱石脚上巢老
鶴鳴長空呵護疑借鬼神力靈烟祥靄枝頭籠若蛟舞淵
鳳舒翮不施斧鑿俱天工葱菁突過淇園竹挺拔壓倒高
岡桐當年泰山得有此更須晉秩封三公吁嗟乎七松曾

天鑑集元
卷之八
植鄭熏宅萬松列滿雲陽東胡為托根盤阿下獨行踽踽
誰與同河南太守洛陽令雖愛高節愁孤忠

盤山詩四首 有序

陳際熙

阿澗松廬盤山之勝余及同人標而出之各為詩以紀
盤阿鑿傍碧山隈屈曲洞門遠逕開鳥道木懸巖上度松
聲夜向雨中迴千叢樹色侵牕入半壁煙光撲面來乞得
心閒身更穩不須方外覓蓬萊

盤澗瀠洄水一渦涓涓石上燦銀河消殘暑氣濃陰合蕩
漾山光碧影多願與同心歌菉竹好將攜手踏青莎箇中

採取臨流意無事頻頻載酒過

盤松鬱鬱翠微中永日行吟樹下風一徑寒生六月暑千
尋材老百花叢山中自有虬龍化天外還霑雨露隆誰向
三雲求勁節高標不與衆芳同

盤盧結就碧山岡滿苑綠陰護短牆入耳清音飛玉屑當
軒素月照霞裳閒中歲月應難老檻外春花覺更香營得
碩人居正好逃名此處是津梁

崔起潛

枚從陳使君旣易盆山為盤山於季夏之十有八日招